



Tir Yimyim

www.tiryimyim.in

Regd. No. RNI. NAGAAO/ 2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma :



Tir Yimyim



tiryimyim@aolima



tir yimyim

TAPAK 8

Onok election nung shilem
magitsü: Bangladesh opposition lenir

BCCI-i Dravid aser support staff
contract atsülangtsüogo

VOL. XXI NO. 53 (ADOK 53) DIMPUR

YANGTEPNÜ (THURSDAY)

YIMPOKSÜ (NOVEMBER) 30, 2023

₹ 5.00

Jotsoma PHED reservoir nung tasümgang ka angu

Kohima, November 29, 2023 (TYO): Bodbarnep Jotsoma PHED Water Reservoir nung Power Department nung arishi küm 47 tain Executive Engineer ka indang tasümgang angu.

PHED mapa inyakertemi tanep main reservoir nung tasümgang ka aliba angu ta police-i ashi.

Tasümgang par kinunger ket nung agütsüogo aser iba dak sendakba nung Zubza Police

Station nung ken o benoka bushisüngdang südar, ta police-isa metedaktsü.

Külen, Executive Engineer PHED Kohima Urban Division-i taruba anogo ananü water supply mangutsü osang metedaktsüogo.

Water Treatment Plant anepalutsü atema supply malitsü aser koda masüba timtem agütsüba atema sasar ta EE, PHED Kohima Urban Division-isa ashi.

Neiphiu Rio-i kaketshirtem ayongzük

Dimapur, November 29, 2023

(TYO): Shisatsü ya kanga dang tashitait aser tarutsü yanglutetba den alima nung kanga junga kongshir ta Nagaland Chief Minister Neiphiu Rio-i ashi.

Dimapur Naga Students Union (DNSU) 21 buba Lokti Mungdang nung jembidang CM Rio-i "shisaliok ya pei sasa bushia angatetba aser iba nung lesson shia ya pei dak aketba sempet ajak metettsü atema mera kaka lir" ta ashi.

"Asenoki angazüksü jangratsüla aser tali metetnuba, tayongzükbatem koktetsü aser tali inloktsü merangtsüla. Kaketshirtemi arokaroka shisadangba yimya sübatsüla" ta CM Rio-i mungdangsangertem ayongzük.

"Nenok tanga sobaliba ka angazükdang yimya tamajung nungi jenbua alitsü merangang. Lanurtemi sobaliba tamajung mebenshitsüla aser asen sobaliba takar ajungketsüla" ta paisa ashi.

Iba sentong nung Assam Legislative Assembly Deputy Speaker Dr. Numal Momin-ia tayongzükba o jembia liasü.

Dimapur nungi Kisama 'traffic advisory' metedaktsür

Dimapur, November 29, 2023

(DIPR): December 1 nungi 10 tashi Dimapur nungi Kisama-i aoba Light Motor Vehicles (LMVs) senzütsüba lenmang metedaksüogo.

Dimapur nungi Kisama-i aoba gari tilatem ajak Old KMC gate - Jotsoma - Forest colony - Old Minister's Hill - New Minister's Hill - Aradura - Phesama - Kisama len senzütsü ta Kohima Deputy Commissioner-i sangdong ka metedaktsü.

nungi ashi.

Iba asoshi lenmang nung tongtipang points/junctions nung road signage yutsütsü ta Kohima DC-isa ashi.

December 1 nungi 10, 2023 tashi Naga Heritage Village, Kisama nung Hornbill Festival aser Kohima jila nung Night Carnival mapang traffic ajemtsü atema iba Travel Advisory agütsür ta Kohima DC-isa metedaktsü.

US Ambassador-i 'Hump World War II' museum lapoktsü



Pasighat, November 29, 2023

(Agencies): World War II mapang Arunachal Pradesh nung USA tayimtsütem tsükokba indang museum ka Pasighat nung lapokogo.

US Ambassador to India Eric Garcetti-i "Hump World War II" museum lapoktsü aser iba sentong nung chief minister Pema Khandu aser tangartem aden.

Arunachal Pradesh chief minister Pema Khandu-i kettangstüa Hump museum ya lapoker aser iba ajanga "Hump Operation" nem tetushi agütsütsü.

"India sorkar aser CM Pema Khandu-i aniba Arunachal Pradesh sorkari World War II mapang American Missing in Action atema museum lapoktsüba atema pelar" ta Eric Garcetti-i ashi.

"Second World War nung US Air Force nungi tasürtem indang otsü iba museum nung aliba osettem ajanga taküm yutsütsü. Iba museum lapokba sentong nung adenba atema kanga pelar aser iba ya India, America aser alima asoshi museum tajung ka lir" ta paisa ashi.

"Pasighat nung Hump Museum ya South-East Asia nung tanabuba lir aser iba ajanga Arunachal Pradesh nung tourism ajungketsü" ta CM Khandu-isa ashi.

"Iba museum ya India aser

US tsüngda tesentaktep tajung aliba tamaitsü asütsü" ta Hump

Museum director Oken Tayeng-i ashi. Arunachal Pradesh kubok Vijaynagar, Damro, Tezu, Seppa amala tesemtem nung tayimtsü tsükokba tesem 8 nungi osettem benden.

World War II mapang United States-i anir allied forces-i Himalayas ajanga tayimtsü agi supply belen.

Eastern Himalayas nung tenem talangtem aliba agi iba tayimtsü lenmang dang "The Hump" ta aja. Arunachal Pradesh nung tayimtsü aika sama aser arem tulu aser tenemtem nungi tayimtsü tsükokbatem mengutet.

The Hump lenmang ajanga Arunachal Pradesh, Assam, Tibet, Yunnan (China) aser Myanmar adena süir aser World War II mapang iba lenmannng nung tayimtsü 650 shi ka tsükok.

1942 küm Japanese Army-i Burma Road noktang aser iba jagi US-i aniba allied forces-i aviation history nung tayimtsü ajanga khu tulutem aben.

India nung US airmen 400 shi samaogo aser parnok teimba ka Northeast India kubok Himalayan Mountains nung sama ama bilemer.

HORNBILL FESTIVAL
NAGALAND
Festival of Festivals

1ST-10TH DECEMBER 2023

Sponsors and Partners:

- 75 Azadi Ka Amrit Mahotsav
- G20
- DIPR
- NEZCC
- TAFMA
- SDGCC
- SBI
- HORNBILL TV
- SERVO
- IndianOil
- Lambra
- Birds Bee Lovers
- TOYOTA
- HONDA
- DIO
- Incredible India

Sorkar sentong balala indang seminar ka Changki nung agütsü



29 Jangpetkong AC kubok Changki yimdak sorkar sentong balala indang nüburtem nem angatetdakstsü seminar ka November 29, 2023 nü ayongzükba sentong nung MLA & Advisor, Transport and Technical Education, Temjenmenba-i jembidang tangokba noksa nung angur.

Dimapur, Yimpoksü/Nov. 29 Par constituency nung aliba (TYO): Sorkari sentong balala yimtsüngtemi sorkar indang agütsüba atema seminar scheme balala ya memetet amai sentong ka 29 Jangpetkong lir, ta pai ashi. Assembly Constituency kubok Anungji pai Village yimtsüngtem asoshi Orija Integrated Cooperative Society Salang, Changki nung (VICS) tentettsü ajungshia November 29, 2023 nü liasü, koba Union Home ayongzükba liasü, kong Minister Amit Shah tekolahba constituency nung aliba sur Union Ministry of yimtsüng ajak nungi teshimtet Cooperation kubok lir. nisungtem dena liasü.

Iba seminar ya MLA aser yimtsüng temi terenlok maparen Advisor, Transport and Technical Education, Society ya amenoktsü kanga Temjenmenba-i achayanga ayongzükba liasü.

Iba sentong nung shisalen sayur temi Chief Minister Health Insurance Scheme, CM Corpus Fund, Chief Minister Micro Finance Initiative ama sorkar indang flagship programme balala indang angatetdakstsü aser shilem agirtem den sensaksema liasü.

Iba sentong tenzüka jembidang, iba seminar ayongzükba nükjidong ya 29 Jangpetkong AC kubok yimtsüngtem nung aliba nüburtem nem sorkar indang scheme balala angatetdakstsü asoshi lir, ta Advisor Temjenmenba-i ashi.

29 Jangpetkong AC nungi NDPP MLA Temjenmenba-i NDPP party lenirtem danga LADP fund ya 'party fund' masü ta angatettsüla, ta ashi. LADP fund ya terenlok mapa inyakba kisüng nung amshitsüla aser iba sen ajanga terenlok mapatem inyakba

yimtsüngtemi sayutettsüla, ta ashi.

Pai election nübuyimba mapang 'mission mode' nung nüburtem tenzüksü nangzükba nenshia ashi aser constituency terenlok asoshi mapa shidak inyaktsü ta ashi.

"Tang ang tetenzüker aser maneni aotsü. Tanü asenoki mi tilaka jangrudakstsü aser ibai tuluba jangrua aotsü, anungji asen constituency terenlok maparen nung ajaki shilem agütsü nüngdaker," ta Transport and Technical Education advisor-i ashi.

Iba sentong nung shisalen sayurtem ya Joint Registrar, Nagaland Cooperative Society, Bendang Yaden, shibai "Introduction to Village Integrated Cooperative Society" onük nung jembi; Senior Dental Surgeon (IMDH, Mokokchung) Dr. Taliwaba, shibai "Introduction to CH Health Insurance Scheme" onük nung jembi aser OSD to MLA & Advisor, Transport and Technical Education, Zulutemjen Ozukum-i

"Introduction to CM Corpus Fund & CMMFI" onük nung jembia liasü.

Statehood Day mapang NSDMA ajanga NDRR Roadmap sayatsü

Dimapur, Yimpoksü/Nov. 29 (TYO): Nagaland State Disaster Management Authority (NSDMA) ajanga sendaktepa aliba department ajunga dang sangdong ka nung ashiba agi, December 1, 2023 nü Secretariat Plaza, Kohima

Statehood Day benjögmung mapang tem indang Disaster Management (DM) Nodal Officers ajunga adentsü metedakstsü.

Anungji iba sentong nung sendaktepa aliba department tem indang Disaster Management (DM) Nodal Officers ajunga adentsü metedakstsü.

MULUNGNEN



Lt. Tialemla Longkumer
19.08.1946 - 26.11.2023

Ozü temeim tsürabur Wt. Tialemla Longkumer shiranga aliba mapang aser la November 26, 2023 anogo nung iba lima nungi pilar onok timtem aser mangyim jashi nung alidang, onok dang meima nübo, rongsen aser sarasadem agi yariteper kija-kibong, arogo, lokti tentet aser temeimertem ajak dang onoki kanga pelaba metedakstsür.

Nenok temeim mapa tajungtem onok mulungjang nung teti alitsü aser Tsüngrem temoatsü nenok ajak den teti lidakjangma ta onoki sarasademsür.

- Temeim Chirnur aser Anükapangtem.

Hornbill Festival 2023 mapang gari nung senzütsüpur asoshi metedakstsür

Dimapur, Yimpoksü/Nov. 29 maparen ajak anepdang 7:00 ako matongdang renemtsüla.

New Multi-Level car parking, Old NST aser New Multi-Level car parking, Old Medical Directorate nung gari anena ayutsü facility agütsür.

Kohima jila kubok tesem balala nung sentong balala ayongzüktsü.

Iba benjögmung mapang gari tiptema senzüttetsü asoshi sorkari totuyuba balala agütsüo.

December 1 nungi 10 tashi anepdang 7:00 ako nungi aonung 10:00 ako tashi heavy vehicle

kata Kohima Municipal area-i aittsü memelatsü. Heavy vehicles ajak Dzüdza Bridge, Khuzama Police check gate nung anena atatsü.

Kohima Municipal area kubok osettsüset agizükba/inokba

(Maneni tapak 8 nung...)

AbuMetha-i Solar Street Light & Public Toilet semzüktsü

Dimapur, Yimpoksü/Nov. 29 (TYO): Advisor to the CM & Chairman, Investment and Development Authority of Nagaland (IDAN) Abu Metha-i November 28, 2023 nü Rhododendron Hall Chümoukedima nungi virtual yimyam nung Sovima aser Chümoukedima nungi Solar Street Light aser District Hospital Dimapur nung Sulabh Public Toilet Complex

semzüktsü liasü.

Tesemdanger tongti Abu Metha-i iba sentong nung jembidang item project sponsor asüba asoshi CSR, NABARD aser HDFC dang pelaba lemsatep aser maneni tarutsü anogotem nunga state nung aliba nüburtem den lungjemer CSR project tem ochishia inyaktsü ayongzükba liasü.

(Maneni tapak 8 nung...)

SSR2024
27 October, 2023 to 9 December, 2023

Nai 'Desh ka Form' fill-up sur ma?

→ Voter ka kümang- Form 6 tanü fill-up süang →

Follow



Log on to

voters.eci.gov.in

Apply through

Voter Facilitation Center

or contact your BLO

Download the form through

Voter Helpline App



Sh. Sachin Ramesh Tendulkar
National Icon of ECI





Modi Government meyong guarantee



Prime Minister Narendra Modi-i Developed India Sankalp Yatra

Ajanga teyari angurtem den sensaksemtsü

Prime Minister Bharatiya Jaan Aushadhi Sentong Kübok

Linük ajaklen Jan Aushadhi Centers meyirijang 10 nungi
meyirijang 25 akümctsü sentong tenzükba mapang tajung ka

All India Institute of Medical Sciences (AIIMS) Deoghar,
Jharkhand campus nung Jaan Aushadi Center meyirijang
terbuba lapoktsütsü

Tetsürtemi aniba terenlok mapatem tekaraba renlokdaiksütsü atema

Linük ajaklen Prime Minister Mahila Kisan Drone Center lapoktsütsü

Linük ajaklen tetsürtem aser Self-Help Groups (SHGs)-tem taküm
nüngdak nung yaritsü atema

Taruba küm 3 tsüngda drone yimdaktsüba angazükdaktsütsü
aser **drones** meyirijang **15** agütsütsü.

(Video conferencing ajanga)

Date: November 30, 2023 | Time: 11:00 am



TIR YIMYIM

YIMOBILEM (EDITORIAL)

DIMAPUR

YANGTEPNÜ

YIMPOKSÜ 30, 2023

Electric ya kanga tongtibang

Naga Students' Federation teloki government dang kaketsirtem tati tang mapang electric light kanga junga agütsüla ta ashibaji kaketsirtem atema kanga nüngdakba o ka shitsüogo. Asen limai electric light arur talangkabo masü asünungji, tanü taküm alirtem rongnunga nisung aika aonung itaya nung mesüra kerosene atsükba milen (lantern) aser shimo milen (candle) tesangwa nung dang kaketsirtem ari purtem lir. Küm roker tenem ka jakdangbo tenla kidanga tanü ama electric tesangwa masü saka kerosene atsükba milen tulu, petromax dang amshia aru, aji oda sentep tom nung petromax milen tesangwa remsepa ooya alidang tenla ki anepalur nisungi jeta ta arua petromax azük nung sentaka alibaji agizüka tango semokja sangwadaktsür ano azüklenjisa itaka yutsüli ta asüba mapangtem taintembo jangjajangjaa bilemtettsü. Iba ama itaya, kümbok milen, kerosene atsükba aser shimo milen nung nisung aikati Laishiba züngmaa azüng aser kaketsirtemia takok tajung angutsüa azüng. Item chirnurtemjibo tanü electric light nung dang masü saka anü nungi tesangwa atsüzüker aonung solar light nung nüngdak mapa ajak tema inyaker. Item chirnurtem dangji light maliyonga kerosene mesüra shimo milen tsükloka yur bushiang ta ashitsüba tanü putu den mapet kümogo. Ibayongji, electric light marudang electric light ama tesangwa agitsüa battery mesüra anü ajanga anguba tashi mesüra generator ajanga sangwadaktsüba tesangwa amshia kaket azünger aser nüngdak mapaa inyaker. Ajisüaka, electric light maruba mapang electric light melena amshia alitsüba osettemji sen tasak agi alitsüba osettem lir aser item ama nüngdak oset alitetsüa asenok lokti nung aikabo malitsü. Iba lagi electric light ya junga yoktsü nüngdakba indang jembipet jembir. Atangji, tanübo electric light ya tesangwa asoshi dang masü saka kidang tzü atsüba aser soruchiokba nungi office maparen ajak electric tashi agidang inyaker, anungji pei nübor tem nüngdak maparen ajak tetsükdaktsü melii inyaktettsüa kechisüdirsüaka electric light yabo jenjang dalang agi peria agütsütettsüla. Aji oda, light marura mapa inyakertema mapa maka akümer, kechiyong süng aser long mapa ajak electric tashi agidang ranga mapa inyaker. Iba ama putu ka nung pei lima nung adokba electric light agi pei nüngdaka meperi pi dang alisema agia alitsüba tangar dak metaloker aliba meshimetsü kin asütsü. Asen meketa aliba statetembo ajak pei nüngdak nung agir magimaba tangar dang ayoktsüa tzü nungi light adokdaktsü. Iba lagi terenlok mapa inyakba nunga asenok asen kidangertem memenep kümogo. Aji oda, asen akaba o par akaba na medemdangra, alemli Rip Van Winkle-bo rajang nisuntemi agütsüba yi ishika jemer küm 20 dang mejang saka asenokbo India nungertem agütsüba sen aser yi agi meseper küm 60 mejanger külena ano memejangshi mejanger amai asenok asenoksasa angatettsü. Aji oda, asenok kümsülosü, ita sen tera anguba dak tenük sünger mejanga amongba agi tanü tashi jang nungi shir light tashi tangar dang nungi alia agir. Ibaj, kodang bilemdangdir tetsüintsüka aser shisabolutsüka lir. Tawa Hamas teloki lendong agütsü nung Israel nungertem Gaza leni light aser chiyongtsü meyok amaji asenok daka atalokra koda asütsü? Joko, asenoka party aser election otsü dang jembia mekazü, akok tashi tangar dak memetaloki asena asensasa electric light aser chiyongtsü agibö peria taküm litettsü terenlok sentong atonga inyak meshiogo. Atangji, terenlok mapa kaji küm ter nungang renemtsüa akok, anungji koba government lidir liang, item terenlok sentongtemjibo party mapa masü saka pei lima aser nübor tem taküm tajungba kümä lidaktsüba mapa ta angateta, pei kija ajangzüksü mebilemi pei nübor tem asoshi tanen maka inyaktsüla.

OLEMSABANG

KHRISTA ASOBA BENJONG YABO BALAKA

R. Nungshi Longkumer

Taküma (2023) asenoki yongyaa ataba Khrista asoba benjong anogo anasa arudaki. Mapang tadong nung Tsüngremi asenok ajak nem arishi anogo tajung den anema lia pelatepba amongtsüa moatsütsü ta yimlaa sarasadema atadi. Oda küm tsüngda nung asen Naga lima kisüng nungasüng benjong tapu aika ajurua mongyonga arudaki. Hornbill benjong nungi tenzüker pei-pei sobaliba dak sendakba benjongtem monga arudaki. Item ajak dangji alima benjongtem ta ajar. Itemji menüngdak ta asir masü, alima aka tashi itemji benshia aru aser ano benshia aotsü. Saka repranga aru nung item benjongtem nungjibo salepsari japupari aika dena angutsü. Oda asenok Khristian lima nung Khristantem alir asünung tetenzükdangbo Arogo tenzüker kar jar sarasadema tenzüksü saka tetempangdangbo petsaperonga rongrongshironga senshitsü ta asüba tangatetba nung dang asenoki benjongtem mongyonga arudar.

Tenüng agibö sobaliba benjong ta jembir saka sobaliba dak maketba achi ajemba dak nungi tenzüker temenen mapatem kechisa lir tapu ajak benshia benjongtepba agi temoatsü benjong masü saka temenen benjongang kumdaaktsüba aika ngua arudaki aser ajangshia arudaki. Saka Khristmas benjong yabo balaka lir. alimai yimjung bentsü aruba anogo, nisuungtem rongnung meputep aliba nungi puteba kumdaaktsüba anogo, tejashi agi tepela melentsüba anogo, shisabulu nungi tesunep melentsüba anogo, temenen talenba nungi salaa chioker nüji kumdaaktsüba anogo, molomi tekangshi nungi anitetter tepela Kodaki yokba anogo, tasü nungi taküm kümtsüba anogo ibai lir. asenoki züüa masü saka kanga dang akum tsübu asüngtetta aser kumdaang iba anogo ya kanga dang temoatsüba anogo ta agizüktettsüba koda tongtipang. Alima benjongtembo pei-pei mapang balala nung mongyonga aor saka 25th December anogo yabo alima ajungai alima kümtdakba Khrista asoba anogo ta meteta lir aser nübur ajongai tematiba Tsüngrem nem tenüngsang tetushi agüja agizüka amonger. Oda December ita yabo Khristmas ita ta ajar anungji December ita mezüng anogo kodang ayoka ajemokdir asenok melungjang nung tepela ka agi melentsü. Iba den alima tatempang kulen nungi kulen tashi nung nübur temi kongki tapu balala tema pelatepba tsüngsantepba Khristmas yongyaba kentem adentang alima tammang tua makai kümdaaktsü. Kodaker lima mesüka nübur tem pelateba angudang küm shia iba anogo kodang ajurutsü ta yongyasetta adar. Oda iba anogo asoshi yimtsüngtem nung süshia jila balala tem sushi ano tesem balala nung arogo nung tenzüker temi sentong tajung renemer yongyaa atadang nür telok nunga nübur pelateptsüa ano Tsüngrem mulung ajitsüa renema lir sudi? Sentongji kodaka tabensaba nung renemer kodaka meraketa mongdir patakaji Tsüngrem sentsüwangshi abensadaktsü ta metetti.

Saka Khristmas benjong dak mapetba mapatembo kecha benoka mebensitsü merangdi. Nisung karbo küm tepiyong sen bendena yur benjong mapang nung telok aika nung pa/la dener ak nashi tepseta pa chiyonglen dang senzüba purtem aika angutsü. Ibajibö tanelar benjong masü saka shi benjong ta ajar. Iba nungi anguba tajangzükji rongsen laluba mapang tajung, amajok nung indokba aser kibong telungi luldaktsüba den pei takum takoksa nung tempangba ta ajar, aser item mapajibo tamashi nisungi ang inyaker ashi nisungji-ibo meinyaker ta angatetti.

Anungji Khristmas bejong anogoji amajok temenen menaba nung masü saka temoatsü tulu anguba anogo asütsüa asenok ajaki bilema lidi ta ayongzüker.

Iba Olemsabang nung lemsaba ken-o aser shisatsü ya iba ocet züldü
bilemba ken-o ama tazünger i angateta agitsü mepishir

Texas nung Pastor aser pa kinüngtsü naprong cancer agi shiranger



Pastor, Cory Schibler'er kibong noksa nung angur.

November 29, 2023: Texas kubok Bryan nung aliba Beacon Baptist Arogo nung pastor, Cory Schibler mapang talangka Follicular Non-Hodgkin Lymphoma agi shiranga aruba sülen cancer tashidak putetogo; pa kinüngtsü, Crystal-a cancer agi shirangdar.

Pastor Schibler ya Texas A&M University anasa aliba Association of Baptist Students nunga Director inyaker. Iba ya Baptist missionary association ka lir.

Osangbener den jembidang pastor-i, "Kü kinüngtsü iba ya la atema tatembangbuba süra lai tesünep angutsü, ta kü dang aiben shiogo. Ajisüaka kü den lar tembartembo ibaji ajanga tesünep mangur," ta ashi.

Arrshi küm 37, Schibler-i, "Onok timtem dang nungibo Tsüngremsa tuluba, anungji kechi atalokdir atalokaka onoki maneni Pa nem tenüngsang agütsütsü," ta metedaktsü.

Pastor aser pa kinüngtsü na arrshi küm 10 jala ka aser arrshi küm 4 jabaso ka sosema lir.

2012 küm pa kinüngtsü tena aniasüngba sülen hopta ana dang lirbo pa dak Follicular Non-Hodgkin Lymphoma puteta liasü. Non-Hodgkin lymphoma ya cancer ka lir aser iba ya 'lymphocytes' ta ajaba white blood cells nungi tenzüker.

"Kü aniasüngba anogo nung gari lendong atalok. Iba sülen emergency room nung treatment agiba mapang nung doctor temi 'cancer' tashidak asütsüla langka puteta liasü," ta pai ashi.

"Kü indang treatment plan ji atas-a repranga alitsüsa liasü; koba tetezü medical tsütsülen nungi 'iba tashidak agi na tepsettsü memerang tashi onoki kecha masütsü'. 2020 küm December ita tashi doctor temi ni anepalua liasü. Iba jakdang ita ishika chiyungtsü meyokdang ni timtem ajangshia liasü," ta pai metedaktsü.

"Ozü jabasobo arrshi küm pezü dang. Küna shiranger, ta

pai-a meteta lir, ajistüaka pai jungjungabo memetet," ta pastor-i ashi.

"Ozü jala arrshi küm 10 lir aser la kanga tesangra. Iba osang angashia la kanga aoksa. Onoki la dang osang karbo mimshir ta lai bilema jashi, anungji la mejashidaktsüsi atema onoki la den ajakji lemsateptsüsa aküm," ta pastor-i ashi.

"Kü asem tejaklen ni chemotherapy agidang la kanga shisabulua liasü. Onoki la den ajak lemsateptsüsa aküm, kechiyong la kanga jashi," ta pai ashi.

Pa kinüngtsü tenati cancer tashidak den raradang Arogo aser kinüngertemi tena kanga nungita yaridar, ta metedaktsü.

"Ni mezung treatment agiba mapang nung Tsüngremi nisuntem melungjang nung jembabajni meteta liasü. Iba mapang nungjagi tenzüka nisung aikati küna nungitba ni metet," ta pai ashi.

"Joko tesüiba küm 20 tashi tongtepratepa malirtemia kü den tongteprater. Parnoki osang angashia küna den tongteprateper aser teyari agütsür. Keno anogobo taoba mapang külemi azünger katü dangi message ka yok. Tesüiba küm 10 tashi küna mejembii liasü. Pai kü dang, par kibongia kü kinüngtsü küna asoshi sarasademtsüdar ta lemsatep. Iba sülen pai GoFundMe nung tenila agütsü," ta pastor Schibler-i metedaktsü.

"Nisung ka tia dang nungibo Tsüngrem tuluba ta onoki amanger. Ni treatment agidang ozü kinüngertemi timtem ajangshi aser tangbo kinüngtsü künaprong cancer puteta maneni kinüngertem timtemer," ta pai ashi.

Künati timtem aser tatiang balala ajangshia arudang Tsüngrem dak dang rangloker, kechiyong asen nije timtem liaka Tsüngremi ajakji tajung ka atema dang bilemer ta künati amanger," ta paisa shisem.

Pak nung Khristan aser Yihuda nunger semparkati Khristan ka khaset



Farhan ul-Qamar (abelen) aser par tsüraburtem noksa nung angur.

November 29, 2023: Hopta ana tejaklen Pakistan nung Khristantem aser Yihuda nunger semparkati Muslim nunger kati Khristan ka khasetogo, ta International Christian Concern (ICC)-i metedaktsü.

Islam yimsü alia amanger, Muhammad Zubair-i arrshi küm 20 Khristan, Farhan ul-Qamar

ANOGO ABEN TSÜNGREM DEN

Arogo tasü

Ezekiel 37: 1-14

"Item teret taküm alitsü kokdi ma?" (Ezk. 37:3)

Ainkar Ezekeil dang Tsüngremer nübur atsüngzüka aoba mangdang ka sayu. Teret takong lenden ka sayu. Teret takong jagi parnok tia sayu. Parnok meyipa marutettsüba jenjang tashi orr liasü. Nüburtemi parnok sasa ayimten, "Onok teimla samaogol!" (t.11). Tsüngremi ainkar dang asüngdang, "Item terettem taküm alitsü kokdima?" Pai tasüngdangbaji Tsüngrem nem meyiptsü, "Kibuba, Nai dang metet!" Meimchir tsütsü nungi tiaji tamakoktsü liasü.

Tanü arogoji tajungba masü. Idakji noksa lir saka ain mali. "Parnoki yimsü keta asenba mapa inyaktsü, saka temeshiba kümdaktsüba ain parnoki magizüker" (2 Timo 3:5). Idakji tenüng ka lir saka taküm mali. Khrista Sardi nung aliba arogo arutsü. "Tenüng agi na taküm, saka na tasü lir" (J. Adok 3:1). Rongsen kar saka mangdang mali (J. Adok 3:17).

Idakji mapa (sentongtem) lir saka temeim mali (J. Adok 2:2-4). Renloktsü melen idakji telemsa dang tali adoker. Sayutsüngir jagi ashir, "Aser ano ni anüng kubok O bendangdakji angu, idakjia tamajung liasü, aser temeshi alidakji temenen liasü" (Sayu 3:16). Vance Havneri tutettsür, "Asenok jangratemtsü ki kar, amentsü jangratemtsü car kar, jangratemtsü sermon angatsü jangratemtsü arogo kar. Khristai arütsüba indang asenoki kechi metet?"

Noksa yanglur ka dang telok ajunga mesatsüsa aser asentensi nüngdak ta angatetdaktsütsü teimla nung, süya aliba arogo ka noksa yanglutsü asüngdang. Noksa nungji akhüm taket tenla ki talang ka, jangratemtsü teperang sabang, aina agi tongpanger, sung kishi tulu aser tesangwa tulu tsükloka yanglur kishi tulu anasaji tenla enoktsüda süngden tila ka tebang nungji sorak zü agi yangpanger yanglu. Au, arogo kobai missionary meyoker mesüra meyarir aji tasü arogo lir. Dr. Oswal J. Smithi (1889-1986) ashir, "Arogo kati sayutsüngi mesüra meranga akümtsü."

Saka Tsüngremi arogoji mesendok. Tasü süngkümi ibaji makoktsü (Mt. 16:18). Asenok shilem Ezekeili ama tashi angatsüba aser shintsüba (Ezek. 37)". Tashi agi, matitaki ayimtenang, Jangzü ama ne ola adokang, aser kü nübur dang parnok ozüng raksaba indang aser Yakob kidong dang parnok temenen indang metedakjang" (Isa. 58:1). Idangji arogoi kong alitsüla item jagi meyipa arutsü. Ibai army tulu ama noktaktsü, aser Khrista asoshi alimaji akoktsü (Ezk. 37:10). Alima tamajungtiba nung tajungtiba arogo nüngdaker.

parnoki Farhan taküm kümzükteter lila, ta ashi.

Muhammad Zubair-i Yihuda nunger aser Khristantem kanga semparkati, ajisüaka tawa Israel-i Gaza Strip amakba mapang nungi tenzüka pai Yihuda aser Khristantem tesembaba aküm.

Pai Farhan khasetba sülen yimdaklir Khristantem aika tetsübu nung ajen.

Farhan khasetba sülen mapang tatsüka tsüngda police-i Muhammad Zubair apu saka ano ken o jembi metenzük.

Ano külen Farhan'er kibongi legal tsütsü teyari atema senotsü bushidar, kechiyong lawyer tajung bushia court nung ken o mejembira nisung tepsterji chiokadoktsü, ta International Christian Concern (ICC)-i metedaktsü.

AO OSHI ANGAZÜKDAK:
TANÜ ANGAZÜKTSÜBA OJANG
**Senpak**

- (n) sen tapak, sen züngdangba (currency notes)
 * Kiburi mapa inyaker shia nem senpak noklang kaka agütsü.

Senpet

- (n) takok angur nem agütsüba konang (Prize)
 * Teloki tematiba takok angusang nem senpet sen 1000 agütsü.

OLONG PAITEP # 6629


1		2		3		4		5
					6			
7			8					
					9			10
11								
12				13				
14			15			16		
17								
					18			

TIPLÉN

- | | |
|--------------------------------|-----------------------------------|
| 1. Ozü tashikang aser tepenjok | LANGTSÜNGLEN |
| - (4) | 2. Pei tasoli - (3) |
| 6. Tarutsü indang ashi | 3. Iba anogo - (4) |
| 7. Yimer ajak | 4. Telemsa / Lemdanga ayuba - (6) |
| 9. Süngdong tetenzükda | 5. Maneni - (3) |
| 11. Nokleptsü nailokdak | 7. Tekaratiba nung - (5) |
| 12. Tebang nung enok | 8. Ki tema - (5) |
| 15. Tsürabur nungi lemzükba | 9. Temejung - (5) |
| - (7) | 10. Teimla ayu - (5) |
| 17. Tetsür tanur dang ajaba | 11. Tajatsü - (6) |
| - (4) | 13. Hai ta ashi - (4) |
| 18. Shirang ajung | 14. Anogo semer ka - (3) |
| - (4) | 16. Tashi balaka - (3) |

OLONG PAITEP # 6628 TELANGZÜBA**TIPLÉN :**

- | | |
|---------------------------------------|---------------------------------|
| 1. Semtu, 3. Lepko, 5. Bilem, 8. Ulu, | LANGTSÜNGLEN : |
| 10. Tsüngpang, 11. Tesangwa, | 1. Sayu, 2. Teb, 4. Kimong, |
| 13. Aoksa, 15. Putir, 16. Yipru. | 6. Lungkak, 7. Milak, 9. Zünga, |
| | 10. Temopu, 12. Walu, 14. Ali. |

NAI-A YA METETTER MA

Alima nung tesüngmangtsü rongnung ka ta züngshiba 'Great Wall of China' ya 220-206 BC tsüngda China nunger mezüngbuba chuba, Qin Shi Huang-i yanglu. Archaeological survey ka ajanga ashiba agibo, iba jara tulu tatsü talang ajak meyokteper metong nung Kilometer 21,196 shi lir. Iba 'Great Wall of China' tatembanglak yangi noksa nung angur.

**PROGRAMME FOR CELEBRATION OF****61st Statehood Day**

AT NAGALAND CIVIL SECRETARIAT PLAZA, KOHIMA

0850Hrs

: Parade Review by DGP, Nagaland

0900 Hrs : Hon'ble Chief Minister arrives, takes the General Salute and inspects the Parade

: Address by the Hon'ble Chief Minister

MARCH PAST**Parade Contingents**

1. DEF Kohima
2. 1st NAP Bn.
3. 4th NAP Bn.
4. 5th NAP Bn.
5. 9th NAP(IR) Bn.
6. 12th NAP (IR) Bn
7. 15th NAP (IR) Mahila Bn.

BANDS

1. 15th NAP (IR) Mahila Pipe Band
2. Nagaland Police Auxiliary Brass Band
3. NPTS Brass Band


PARADE COMMANDER : Shri. Vikato Thonger, NPS, Dy. Comdt. 4th NAP Bn.SECOND-IN-COMMAND : Shri. Khriesaviko Pienu, NPS, Asstt. Comdt. 4th NAP Bn.Special Presentation by 15th NAP (IR) Mahila Band, finalist of India's Got Talent 2023

Launch of Nagaland School Safety Policy Digital Training Platform & Nagaland Disaster Risk Reduction Road Map by the Hon'ble Chief Minister

CULTURAL PRESENTATION

1. From a distance : Smti. Esther Dailiam
2. We love Nagaland : LamGrace
3. Then sings my soul : NSS Music Club Choir
4. Cultural Troupes
 - a. Burgeon Society Chedema (Angami)
 - b. Tobu Area Sheko Khong Union Kohima (Konyak)
 - c. Pfushon zi (Rengma)
 - d. Benreu Students Union Dance Club, Kohima (Zeliang)

Inauguration of Exhibition on '60 years of Nagaland' (IPR Department) by the Hon'ble Chief Minister

The programme will be livestreamed at this YouTube link - <https://www.youtube.com/live/LzJ1IAPWVC4?si=M6dzHFy4XwxgxX8h>**Assam nung ULFA-Independent züngsem 4 temai adok**

Guwahati, November 29, 2023 (Agencies): Bodbarnü Guwahati nung United Liberation Front of Assom-Independent (ULFA-I) züngsem pezü temai adokogo.

Tanü Assam DGP GP Singh matsüngdang Dipok Hatibaruah (Dibya Axom), Nayann Patmaut (Bikram Axom), Montu Moran (Latest Axom, Kulang Moran) aser Palash Moran (Gopal Axom) nunger temai adok.

Ulubari, Guwahati nung aliba Assam Police Headquarters nung iba sentong agia liasü.

Nayan Patmaut ya Charaideo district nungi lir aser pai 2010 küm ULFA-I nung aden.

Montu Moran ya Tinsukia district nungi lir aser December

Dipok Hatiboruah ya Tinsukia district kübok Tokowanigaon nungi lir aser pai May 25, 2011 nung ULFA-I nung adenba sülen Lieutenant ka ama inyaka aru.

Myanmar kübok Taka nung pa ita asem warfare training agi aser November 24, 2023 nü Charaideo police tsüngdang temai adok.

Nayan Patmaut ya Charaideo district nungi lir aser pai 2010 küm ULFA-I nung aden.

Montu Moran ya Tinsukia district nungi lir aser December

4, 2018 nung ULFA-I nung aden.

Palash Moran ya Tinsukia district nungi lir aser pai 2021 küm ULFA-I nung züngsem aküm.

DGP GP Singh-i Paresh Baruah-i aniba ULFA-I dang Assam nung Armed Forces Special Powers Act (AFSPA) benoktsüsa mapa meinyaktsü metetdaktsüogo.

"Assam ya tesüiba nung aliba ama state ka masü kümogo. Tang Assam ya terenlok lenmang nung jajar" ta pai ashi.

Arunachal nung NSCN-KYA-i aayanger 2 chiokogo

Itanagar, November 29, 2023 (Agencies): NSCN-

KYA-i Arunachal Pradesh nung aayanger ana chiokogo. November 28, 2023 nü parnoki Sashank Kumar Yadav aser

Liamgao na chiok.

November 16 nü NSCN-KYA telungpurtemi tena apu aser Bolero pickup truck ka nung Kunno zero point tashi anir ao.

Telungpurtemi gariji idakji

toktsü aser Arunachal Pradesh nung India-Myanmar arrtsüleni tena anir ao.

Sashank Kumar Yadav aser Liamgao na ya BTRF Project asoshi mapa inyakertem lir.

Onok election nung shilem
magitsü: Bangladesh
opposition lenir

Dhaka, Yimpoksüi/
November 29 (Agencies):
Bangladesh nung January 7 nü
parliamentary election atema
nomination file asütstäba anogo
tatembangbuba atongtsü anogo
ka lia, linük nung opposition
party tongtibai parnok election
nung shilem magitsü ta shiogo.
Parnoki ashiba agi, Ato Kilonser
Sheikh Hasina-i aniba sorkar
inyakyim meshidak.

Bangladesh Nationalist
Party (BNP), Senior Joint
Secretary General Ruhul Kabir
Rizvi-i Al Jazeera dang ashiba
agi, par party-i takhangba
tongtibang ka mataloktsüra
parnok election nung kechi südir
süaka metokteptsü. Nomination
benoktsü atema tatembangbuba
anogoji November 30,
Brehostibarnü asütsü.

BNP-i election kecha
tebendang makai ochishia agitsü
atema Hasina-i menden toktsür
neutral caretaker sorkar ka
asoshi lenmang sadema
lapokdaktsüner

Sorkari BNP lenirtem aser
grassroots-level nung
inyakterem anema jenjang agia
ken o tejen aser tasentem nung
parnok aija tepuokdaki yoker ta
ashiba, Hasina-i aniba Awami
League (AL) party-i magizüki
liasü. Opposition lenirtem aika
atsüka lir.

Iba jenjang agiba ajanga
global non-profit, Human Rights
Watch-i, nüburtem pudenba dak
sendakba nung Hombarnü
osang ka agütsüogo aser
Bangladesh indang "diplomatic
partners" tem dang jenjang tapet
agitsü asoshi ayongzükogo.
HRW-i ashiba agi, sorkari iba
amala inyakyim benoka
benshiba ajanga tarutsü nung
rongsenketzung nung
tesendaktep mejungi akümtü.

BNP indang Senior Joint
Secretary General Ruhul Kabir
Rizvi, shiba lenirtem rongnungi
tang tashi mapu lir, pa October
ita tatembangbuba hopta nungi
par kidang malir aser party
sentongtem mejangjaba tesem
kar nungi social media ajanga
lemsatepe arudar.

BNP lenirtem rongnung
Rizvi kijai taoba hopta asem
tashi yimjak nung osang agüja
arudar. Pa yimtong nung
longkak aitba sentong kar nung
shilem agiaka, iba amala
sentong agiba sülen pa talidak
yakta yakta melenshia arudar.

Rizvi ya advocate ka lir aser
2008 küm nungi Hasina
yimsüüba mapang aiben puogo
aser 2012, 2013 aser 2022 küm
ita aika tepuokdak mungogo.

October 28 nü BNP-i
longkak aitba sentong tulu ka
ayongzükä agiba sülen Rizvi ya
ken o ana tashi nung aija
Bangladesh nung Narayanganj
district kübok Fatullah police
station nung ken o benoka lir.

LIST OF SELECTED PARTICIPANTS FOR STATE HANDLOOM EXPO AT PHEK TOWN, NAGALAND. W.E.F:- 05TH DECEMBER TO 18TH DECEMBER 2023.

SL.NO	NAME OF PARTICIPANTS	ADDRESS	HANDICRAFT/HANDLOOM	ID. NO
1	Kasmuddin, Handicrafts Unit	Delhi	HANDICRAFTS	
2	Tanzeera, Handicrafts Unit	Bhopal, Madhya Pradesh	HANDICRAFTS	
3	Bano, Handicrafts Unit	Bhopal, Madhya Pradesh	HANDICRAFTS	
4	Pel Lego, Handicrafts Unit	Arunachal Pradesh	HANDICRAFTS	
5	Orung Lego, Handicrafts Unit	Arunachal Pradesh	HANDICRAFTS	
6	Nolin Das, Handicrafts Unit	Jorhat, Assam	HANDICRAFTS	
7	Fazal Sheikh, Handicrafts Unit	Dhubri, Assam	HANDICRAFTS	
8	Mallabika Hazarika, Handloom Unit	Jorhat, Assam	HANDLOOM	
9	Mojibor Rahman, Handicrafts Unit	Morigaon, Assam	HANDICRAFTS	
10	Hira Das, Handloom Unit	Jorhat, Assam	HANDLOOM	
11	Nungsangmenia, Handloom Unit	Mokokchung, Nagaland	HANDLOOM	NHHDC/PRO-293
12	Bokavi Yetho, Handicrafts Unit	Dimapur, Nagaland	HANDICRAFTS	NHHDC/PRO-598
13	Nyathiang K, Handloom Unit	Kohima, Nagaland	HANDLOOM	NHHDC/PRO-152
14	Moainila, Handloom Unit	Dimapur, Nagaland	HANDLOOM	NHHDC/PRO-297
15	Ngaple, Handicrafts Unit	Mon Town, Nagaland	HANDICRAFTS	NHHDC/PRO-361
16	B. Chingaok Phom, Handloom Unit	Longleng, Nagaland	HANDLOOM	NHHDC/PRO-592
17	Olive Ayemi, Handloom Unit	Dimapur, Nagaland	HANDLOOM	NHHDC/PRO-183
18	Robin Hevishe, Handloom Unit	Dimapur, Nagaland	HANDLOOM	NHHDC/PRO-277
19	Hemali, Handloom Unit	Dimapur, Nagaland	HANDLOOM	NHHDC/PRO-108
20	Ivuto Aye, Handicrafts Unit	Zunheboto, Nagaland	HANDICRAFTS	NHHDC/PRO-428
21	Khelito X Sumi, Handloom Unit	Mokokchung, Nagaland	HANDLOOM	NHHDC/PRO-473
22	Ahong Konyak, Handloom Unit	Chumukedima, Nagaland	HANDLOOM	NHHDC/PRO-594
23	Kheholi Zhimo, Handloom Unit	Dimapur, Nagaland	HANDLOOM	NHHDC/PRO-532
24	Y. Manda Phom, Handloom Unit	Longleng, Nagaland	HANDLOOM	NHHDC/PRO-234
25	Kaphuto Sema, Handicrafts Unit	Dimapur, Nagaland	HANDICRAFTS	NHHDC/PRO-
26	Boholi Zimo, Handloom Unit	Dimapur, Nagaland	HANDLOOM	NHHDC/PRO-090
27	M. Pheangmeth, Handloom Unit	Dimapur, Nagaland	HANDLOOM	NHHDC/PRO-081
28	Watimingla, Handloom Unit	Mokokchung, Nagaland	HANDLOOM	NHHDC/PRO-500
29	Takomenla, Handloom Unit	Mokokchung, Nagaland	HANDLOOM	NHHDC/PRO-189
30	Vetholu Tetseo, Handloom Unit	Phek Town, Nagaland	HANDLOOM	NHHDC/PRO-202
31	Yohan, Handicrafts Unit	Mon Town, Nagaland	HANDLOOM	NHHDC/PRO-453
32	Putikokla, Handloom Unit	Dimapur, Nagaland	HANDLOOM	NHHDC/PRO-067
33	Kvusolo Kent, Handloom Unit	Tsemiriyu, Nagaland	HANDLOOM	NHHDC/PRO-502
34	Neiketonu, Handloom Unit	Kohima, Nagaland	HANDLOOM	NHHDC/PRO-452
35	Y. Yeiwang Konyak, Handloom Unit	Dimapur, Nagaland	HANDLOOM	NHHDC/PRO-225
36	Bahon Ajon, Handloom Unit	Longleng, Nagaland	HANDLOOM	NHHDC/PRO-528
37	Saraholi, Handloom Unit	Zunheboto, Nagaland	HANDLOOM	NHHDC/PRO-012
38	Shekuloi Keyho, Handloom Unit	Dimapur, Nagaland	HANDLOOM	NHHDC/PRO-200
39	Nesute U Wezah, Handloom Unit	Chizami, Nagaland	HANDLOOM	NHHDC/PRO-393
40	Tokheloi Kent, Handloom Unit	Tsemiriyu, Nagaland	HANDLOOM	NHHDC/PRO-503
41	Chhensenla, Handloom Unit	Mokokchung, Nagaland	HANDLOOM	NHHDC/PRO-313
42	Neangmai Konyak, Handloom Unit	Chumukedima, Nagaland	HANDLOOM	NHHDC/PRO-579
43	Tokali Awomi, Handloom Unit	Zunheboto, Nagaland	HANDLOOM	NHHDC/PRO-104
44	Hotoli Yetho, Handloom Unit	Dimapur, Nagaland	HANDLOOM	NHHDC/PRO-094
45	Inaili, Handloom Unit	Zunheboto, Nagaland	HANDLOOM	NHHDC/PRO-157
46	K. Maonyu, Handloom Unit	Chumukedima, Nagaland	HANDLOOM	NHHDC/PRO-596
47	Nungsangtili, Handloom Unit	Dimapur, Nagaland	HANDLOOM	NHHDC/PRO-292
48	Pongnyu Konyak, Handloom Unit	Chumukedima, Nagaland	HANDLOOM	NHHDC/PRO-595
49	Hushika Yetho, Handloom Unit	Zunheboto, Nagaland	HANDLOOM	NHHDC/PRO-529
50	Molii Phom, Handloom Unit	Dimapur, Nagaland	HANDLOOM	NHHDC/PRO-191
51	Akina, Handloom Unit	Dimapur, Nagaland	HANDLOOM	NHHDC/PRO-301
52	Ameli, Handloom Unit	Dimapur, Nagaland	HANDLOOM	NHHDC/PRO-156
53	Yanyu K Konyak, Handloom Unit	Mon Town, Nagaland	HANDLOOM	NHHDC/PRO-468
54	Nangshezungla, Handloom Unit	Dimapur, Nagaland	HANDLOOM	NHHDC/PRO-171
55	Aienla Ao, Handloom Unit	Dimapur, Nagaland	HANDLOOM	NHHDC/PRO-172
56	Kavitoli T Yetho, Handloom Unit	Zunheboto, Nagaland	HANDLOOM	NHHDC/PRO-127
57	Anungla, Handloom Unit	Dimapur, Nagaland	HANDLOOM	NHHDC/PRO-063
58	Sentinaro, Handloom Unit	Dimapur, Nagaland	HANDLOOM	NHHDC/PRO-599
59	Manlo, Handloom Unit	Kohima, Nagaland	HANDLOOM	NHHDC/PRO-249
60	Toito Sumi, Handloom Unit	Kiphire, Nagaland	HANDLOOM	NHHDC/PRO-

NB :-

1. The selected participants are directed to report to the exhibition ground at Town Hall, Phek at 6:00 a.m
2. The participants are directed to keep their exhibits in their stall under lock & key. The office shall not be held responsible in case of any losses/ theft.
3. Selected participants must display genuine products with full stock, failure to do so will result in revoking their participation from the exhibition.
4. Selected participants are informed to reach at scheduled time. In case of failure, their participation in the event will be revoked

Managing Director
NHHDC Ltd.

Brussels, Yimpoksüi/
November 29 (Agencies):
Ukraine indang foreign
minister-i ashiba agi, parnoki
Russia den metoktsüi maneni
raratsü. US-i teyari agütsütsü
mejanga akümba aser front line
nung takok tajung mongutetaka
parnoki maneni raratsü ta
shiogo.

"Onok maneni raratsüsa
dang akümtü. Ukraine-i
odangbo rara metoktsütsü," ta
Ukraine nunger diplomat
Dmytro Kuleba-i Brussels nung
NATO dang ashı.

"Ken o ya Ukraine security
kija indang masü saka Euro-

atlantic space ajak tekümzükba
aser security dak sendaka lir,"
ta paisa ashı.

Anüolen aliba linüktemi
teyari peria magütsüra Kyiv
tashi meiti küma Russia tir
Vladimir Putin den
tenangzükteba ka yanglutsü
parnoki maneni raratsü ta
akok ta tsübua bileyer.

US Congress nung
republicans puri Ukraine nem
sen USD billion 60 teyari
agütsütsü atema benokba sota
yua lir aser iba ajanga US-i
tarutsü nung teyari agütsüttetsü
magütsüttetsü, iba indang
tasüngdangba ka adokogo.

nunger tejangrabba dak
ajemdaker telemtetba ka agütsü
imlar atar koba Israel aser
Ukraine naprongla nem teyari
agütsütsü asoshi lir," ta Kuleba-i
ashı.

Ukraine tang US-i aniba
alliance NATO nung adentsü
asoshi merangdar, kechiyong
iba telok yagi parnok nem
tekümzükba agütsütsü.

Nato-ia, Kyiv künübo iba
telok nung tendaktsütsü ta
nangzükogo, saka taküm
summit nung meyak, kechiyong
United States aser Germany
densema tongtibang linüktemi
Ukraine iba telok nung

züngoksemaktsüba ajanga
parnok Moscow den raratsüsa
akümtü akok ta bileyer.

Ukraine aser NATO na
Bodhbarnü yimden yimsüüba
aser military naprongla nung
temelensi kar asoshi
mulungeptütsü liasü, koba
Ukraine iba telok nung
dendaktsütsü asoshi
terenemshiba ka lir.

Kuleba-i ashiba agi, anüolen
aliba linüktemi rara mapang
teyari agütsüüba ajanga Ukraine
ya technical capacity,
management approaches aser
principles dak sendakba nung de
facto NATO army ka kümdar.

TEPELABA LEMSATEPER



12-12-1974

20-11-2023

*Onoki teti dang meima aliba asür IMNALEMBA
(S/o Late Dr. S. Aten Lkr, Aonokpu) shirang yipden
nung aliba mapang aser pa Dimapur nung sür
Mokokchung-i bener atuagi asü sentong maparen
balala nung temiemer shirnokisa nebu, shisatsü, rongsen
aser sarasadem agi ozü kibong asükhu mapang
nungita yaritepogo nenok ajak dang kanga pelar.
Nenoki yariba asoshi ozü-i tsüngdong aruagi nenok den
tepelaba melemsatet nung iba osang ajanga nenok ajak
dang temulongjang taroktiba nungi tepelaba lemsateper.
Tematiba Tsüngrem-i nenok ajak moajangma ta ozü
kibong tamang sarasadem.*

Centre sorkari PMGKAY...

(Tapak 3 nungi...)

PMGKAY kübok Centre
sorkari Antyodaya Anna Yojana
(AY) kibongtem aser Priority
households (PHH) beneficiaries
nem ration angati agütsü. Iba
scheme ya mezüngbo January
1, 2023 nungi küm ka atema
benok aser tesüa December
31, 2023 anogo tashi atsülanga
liasü.

Coronavirus wara mapang
nung 2020 küm April ita nung
sorkari Pradhan Mantri Garib
Kalyan Ann Yojana (PM-GKAY)
tenzüka liasü. Iba
scheme tenzükba nükjidong ya
wara mapang nung kanga
sensaker kibongtem nem teyari
agütsütsü nükjidong nung
tenzük.

Iba scheme kübok ita shia
janga seret pongungu den
tantsürtem aser teintet
sensotem nem senotsü teyari
densema agütsü.

Ukraine tang US-i aniba
alliance NATO nung adentsü
asoshi merangdar, kechiyong
iba telok yagi parnok nem
tekümzükba agütsütsü.

Nato-ia, Kyiv künübo iba
telok nung tendaktsütsü ta
nangzükogo, saka taküm
summit nung meyak, kechiyong
United States aser Germany
densema tongtibang linüktemi
Ukraine iba telok nung

ALI TAYOKTSÜ LIR

Lungmen Fellowship (Burma Camp) Sentep ki anasa.
Total 23,000 sq.ft.
No Brokers please. Contact. 8118924389

1buba Nagaland Open arr atsütepba asayamung ayonger



Dimapur, Yimpoksüi/ November 28 (TYO): Western Chakhesang Youth Organisation aser Nagaland Tug of War Association na longjemer mezüngbuba Ethnic community Tug of War - Nagaland Open ayongzükogo, koba DDSC stadium nung January 30, 2024 nü asayatsü.

Iba asayamung ya 'Oneness on the rope for peace' omen nung ajemdaker agitsü, koba kintem tsüngda yimjung nung alitsü atema ajungmesotsü nükjidong nung ayongzükogo. Alakteta jaoker

DGP, CRPF, BSF, Assam Rifles densema team 36 shi-i iba asayamung nung shilem agitsü jangjatsüogo.

Bodhbarnü osangbenertem den sensaksema mapang Nagaland Tug of War Association tir, Er. Dr. Vekho Swuro-i ashiba agi, Naga nunger asayartem dak tashi lir aser parnok nem training tapet agütsüra state atema dang masü saka linük asoshi tajangzük asütsü.

Paisa, state team-i mapa tatsüka tsüngda nung dang renemer Arunachal Pradesh

nung 36buba Senior Federation Cup championship nung shilem agiogo aser mixed team event nung silver medal ngua liasü, ta ashi.

Maneni pai, iba asaya asayatsü asoshi lenmang sadema lapoka aliba aser sobaliba asaya ka asünung association-i iba tetoktepa ajanga asen lokti ajungkettsü aser asenok jenjang balala nung tokteptsü asoshi renemshidaksütsü ta bilemer, ta ashi. Paisa, saisapong ajanga telongjem adokdakstsür ta ashi.

BCCI-i Dravid aser support staff contract atsülangtsüogo

Yimpoksüi/November 29, 2023 (Agencies): Imla aliba ama Board of Control for Cricket in India (BCCI)-i Team India head coach Rahul Dravid aser support staff tem contract atsülangtsüogo.

"ICC Men's Cricket World Cup 2023 tembangba sülen Rahul Dravid den tenangzüktepba yangur aliba tembunga liasü aser iba dak sendakba nung pa den BCCI-i sensaksema pa tenure atsülangshitsü mulungtepogo," ta board-i sangdong ka ajanga metedakstsü.

"India teama anitetba nung Dravid-i tongtibang shilem agiba aser professionalism atema Board-i pa nem tenüngsang agütsüogo. Board-isa, VVS

Laxman nem NCA tekolahba aser stand-in head coach ama tongtibang shilem agiba atema tenüngsang agütsüogo. Asayaba mapang ama Dravid aser Laxman na kanga junga sendaktepa inyaka India nung cricket asaya tejakdangi anir odar," ta board sangdong ajangsa metedakstsü.

Batting coach Vikram Rathour, fielding coach T Dilip, aser bowling coach Paras Mhambrey nungera maneni India team den inyaktsü kechiyong BCCI-i parnok indang contract-a atsülangtsüogo.

Dravid asoshi team India coach ama tanabuba tenure ya South Africa den December 10 nü nungi asaya-a tenzüksü.

South Africa den ODI asem aser T20I asem aser Test ana asayatsü. Test asaya ya December 26 nü nungi tenzüksü.

Iba sülen India team England den kidang Test pongu asayatsü aser iba sülen West Indies/USA nung ICC T20 World Cup June ita asayatsü.

2021 küm ICC T20 World Cup junga masataeteba sülen Dravid-i Ravi Shastri ket nungi coach mapa belenzka liasü. Iba WC nung India team Super 12 stage nung tsükatok. Dravid ya mezüngbo küm ana atema shima liasü aser pa lenisüba nung India team tawa tembangba ICC Cricket World Cup nung tanabuba jenjang nung tembangogo.

(Tapak 2 nungi...)

indang windshield nung pei contact number maloka yutsütsüla.

Kisama tsütsü aser Kohima Municipal area nung NH nung gari sadema mejajatettsüsa timtem agütsüba gari tem (No Parking Zone nung anenba gari tem/lenmang anatsülen temesüng agi metong-metonga asüa aliba lir alema adoka anena aliba gari tem) tekümdangtsü osang magütsü MV Act indang Section 127 nung mela aliba ama atsür aotsü aser gari atsür aoba taa gari kiburi menoktsü aser MV Act indang Section 201 kübok merenshitsü.

Iba sentong nung Deputy

Hornbill Festival 2023 mapang...

c) High School area leni aoba heavy public utility vehicles tem TCP gate nungi divert asütsü aser NHAK Junction mesüra T-Khel Model Village lenmang leni aotsü melatsü.

d) New Market road nungi New NST tashi gari maitdakstsütsü.

e) City buses tem DC Kohima ajanga November 28, 2023 nü sandongba ama divert asütsü.

Dimapur/Chümoukedima nungi Hornbill Festival asoshi Kisama leni aoba gari tem Old KMC check gate - Jotsoma - Nagaland College of Music and

Fine Arts - Forest colony - BSNL exchange - Cathedral - Aradura Inn - Phesama - Kisama ajanga senzütsü, anungji LMVs tem iba lenmanglen jajatsü ajungshir. Senzüemponger len anitsü asoshi tim tesemtem nung direction boards inoka alitsü.

Dimapur/Chümoukedima nungi Tseminyu, Wokha, Mokokchung aser Secretariat leni aoba garitem tang yangluba T-Khel Model Village lenmang agia IG Stadium ajanga aotsü.

Kisama aser Nigh Carnival aliba tesemtem nung gari anena ayuba gari kibur temi pei gari

Kalinga Super Cup January 9 nungi Odisha nung asayatsü

Yimpoksüi/November 29, 2023 (Agencies): Kalinga Super Cup 2024 küm January 9 nü nungi tenzüka Odisha nung ayongzüka asayatsü, ta All India Football Federation-i Bodhbarnü sangdongogo. Asayatem ya Odisha kübok tesem ana nung asayatsü sentong lir.

Indian Super League aser I-League team tem iba asayamung nung shilem agitsü jaokogo. Asayamung nung team pezü agi kümtetba telok pezü alitsü aser item team tem ya single-leg matches asayatsü. Telok pezü nungi temaba jenjang nung tembangba team tem semifinal asayatsü aser iba sülen January 28 nü final asayatsü.

Super Cup ya Federation Cup melena AIFF-i ayongzükba asayamung ka lir. Federation Cup ya mezüngbuba 2018 küm asayatsü atema nominate asütsü.

National Boxing Championships: Thapa & Panghal na quarter-i iogo

Yimpoksüi/November 29, 2023 (Agencies): Shillong nung tang asaya aliba 7th Elite Men's National Boxing Championships nung Asian Championships nung trokben tashi medal ngur alisang Shiva Thapa (63.5kg) aser 2019 World Championships silver medalist (51kg) na pronglai pei tata asaya koka quarter final-i iogo.

Assam nungi asayar Shiva Thapa-i asaya amokbanger assya-a 5-0 agi Karnataka nunger asayar Santhosh HK koka liasü. Taoba asayamung nung gold medal ngur alisang ya quarter nung Delhi nungi asayar Shashank Pradhan den asayatsü.

Kasa mapang nung SSCB tenüng nungi asayar Amit Panghal round of 16 nung Punjab nungi asayar Jayshandeep Singh den asaya. Jayshandeep-i kanga meranga

Abu Metha-i Solar Street Light... (Tapak 2 nungi...)

Metha-isa tarutsü anogotem nunga iba ama project nüngdaka aliba nüburtem asoshi agütsütsü ta ashi aser project ya tila süang tulua süang, lenirtem aser yimdakir teyari medeni takok mangutsü, ta ashi.

Kasa mapang IDAN ajanga SBI den "Nagaland Tourism Connect Scheme" atema MoU ka zülutepa liasü. Ibai "Premium taxi scheme" ka lir, kong teyari angurtem state sorkar nungi subsidy shilem 20 agütsütsü aser lanurtem dang talisa Hornbill Festival mapang tourist taxi amshitsü asoshi maongka agitsü ajungshia liasü.

Zhau Sanchu, Pastor CRC Sovima Village ajanga item osettsüset aser ki o jen meshiteta sarasademtsü aser I. Changsang, NCS Under Secretary IDAN ajanga taxi amshitsü asoshi maongka melepüng o jembii, kong Reny Wilfred, IAS Joint Secretary, IDAN menden liasü.

BILEMDANGANG

"O aser inyakyim na peta inyaksangshiang."